



世界書局印行

景印
藻堂

四庫全書薈要

史部
第六
正史
〇
類冊部





本冊目次

書名及撰人

卷次

頁次

元史二百十卷目錄二卷 明宋濂等撰

卷七十九至卷一百二十

一四六一

欽定四庫全書薈要

史部
元史卷七十九至
八十一

詳校官內閣侍讀孫球

欽定四庫全書薈要卷六千四百五十八 史部

元史卷七十九

明翰林學士亞中大夫知制誥兼修國史宋濂等修

第二十九

輿服二

儀仗

皂纛

國語讀如先

建纓于素漆竿凡行幸則先驅建纛夾以

馬鼓居則置纛于月華門西之隅室絳麾金塗竿上

欽定四庫全書

元史
卷七十九

施圓盤朱絲拂三層紫羅袋韜之金節制如麾八層

韜以黃羅雲龍袋引導節金塗龍頭朱漆竿懸五色

拂上施銅鈸朱雀幢制如節而五層韜以紅繡朱雀

袋青龍幢制如前韜以碧繡青龍袋白虎幢制如

前韜以素繡白虎袋玄武幢制如前韜以皂繡玄武

袋爆稍制如節頂刻爆牛首有袋上加碧油絳引

旛四角朱綠蓋每角垂羅文雜佩繫于金銅鈎竿竿以

朱飾懸五色間暈羅下有橫木板作碾玉文告止旛

緋帛錯綵為告止字承以雙鳳立仗者紅羅銷金升龍
餘如絳引 傳教幡制如告止幡錯綵為傳教字承以
雙白虎立仗者白羅繪雲龍 信幡制如傳教幡錯綵
為信字承以雙龍立仗者繪飛鳳 黃麾幡制如信幡
錯綵為黃麾篆 龍頭竿繡髦竿如戟無鈎下有小橫
木刻龍頭垂朱綠蓋每角綴珠佩一帶末有塗金銅鈴
圍子制以金塗攢竹枝首貫銅錢而以紫絹冒之

副竿制以木未漆之 火輪竿制以白鐵為小車輪建

于白鐵竿首輪及竿皆金塗之上書西天咒語帝師所
制常行為親衛中道正行在劈正斧之前以法佛衛以
祛邪僻以鎮轟雷焉蓋辟惡車之意也 豹尾竿制如
戟繫豹尾未漆竿 寶輿方案緋羅銷金雲龍案衣緋
羅銷金蒙襯複案傍有金塗鐵鞫四龍頭竿結綬二副
之 香燈朱漆案黃羅銷金雲龍案衣上設金塗香爐
一燭臺二案旁金塗鐵鞫四龍頭竿結綬二副之 香
案朱漆案緋羅銷金雲龍案衣上設金香爐合各一餘

同香燈殿庭陳設則除龍頭竿結綬 詔案制如香案

冊案制如前 寶案制如前 表案制如香案上加

矮闌金塗鐵鞫四竿二副之緋羅銷金蒙複 禮物案

制如表案 交椅銀飾之塗以黃金 杌子四脚小床

銀飾之塗以黃金 鳴鞭綠柄鞭以梅紅絲為之梢用

黃茸而漬以蠟 鞭桶制以紫絕表白絹裹皮緣兩末

蒙鞍青錦緣緋錦複 水瓶制如湯瓶有益有提有

嘴銀為之塗以黃金 鹿盧制如叉字兩頭卷塗金粧

銀朱絲繩副之 水盆黃金塗銀粧銀為之 淨巾緋

羅銷金雲龍有裏 香毬制以銀為座上插蓮花爐爐

上罩以圓毬鏤網縕旋轉文于上黃金塗之 香合制

以銀徑七寸塗黃金銀雲龍於上 金拂紅犂牛尾為

之黃金塗龍頭柄 唾壺制以銀寬緣虛腹有益黃金

塗之 唾盂制以銀圓如缶有益黃金塗之 外辦牌

制以象牙書國字背書漢字填以金 外備牌制如前

中嚴牌制如前 時牌制同外備而小 版位制以

木長一尺二寸闊一尺厚六分白髹黑字 大繖赤質
正方四角銅螭首塗以黃金紫羅表緋絹裏諸繖蓋宋
以前皆平頂今加金浮屠 紫方繖制如大繖而表以
紫羅 紅方繖制如大繖而表以緋羅 華蓋制如繖
而圓頂隆起赤質繡雜花雲龍上施金浮屠 曲蓋制
如華蓋緋瀝水繡瑞草曲柄上施金浮屠 導蓋制如
曲蓋緋羅瀝水繡龍朱漆直柄 朱繖制如導蓋而無
文 黃繖制如朱繖而色黃 葆蓋金塗龍頭竿懸以
欽定四庫全書 元史 卷七十九 四
纓絡銷金圓裙六角葆蓋 孔雀蓋朱漆竿首建小蓋
蓋頂以孔雀毛徑尺許下垂孔雀尾簷下以青黃紅瀝
水圍之上施金浮屠蓋居竿三之一竿塗以黃金書西
天咒語與火輪竿義同 朱團扇緋羅繡盤龍朱漆柄
金銅飾導駕團扇盛金線 大雉扇制稍長下方而上
攜緋羅繡象雉尾中有雙孔雀間以雜花下施朱漆橫
木連柄金銅裝 中雉扇制如大雉扇而減小 小雉
扇制如中雉扇而減小 青瀝水扇制圓而青色四周

瀝水以青絹 單朱勝結網二螭首銜紅絲拂中有獸
面朱漆柄金銅裝 單制形如扇朱勝網中有獸面朱
漆柄金銅裝 旗扇錡即坐也旗錡制十字木于下上
四枝交拱置竅于其上以樹旗扇錡制如柅形小六木
拱于上而制作精于旗錡並漆以朱 風伯旗青質赤
火焰脚畫神人犬首朱髮鬼形豹汗勝朱袴負風囊立
雲氣中 雨師旗青質赤火焰脚畫神人冠五梁冠朱
衣黃袍黑襴黃帶白袴皂烏右手仗劍左手捧鐘 雷
公旗青質赤火焰脚畫神人犬首鬼形白擁項朱犢鼻
黃帶右手持斧左手持鑿運連鼓于火中 電母旗青
質赤火焰脚畫神人為女子形纁衣朱裳白袴兩手運
光 金星旗素質赤火焰脚畫神人冠五梁冠素衣皂
襴朱裳秉圭 水星旗黑質赤火焰脚畫神人冠五梁
冠皂衣皂襴綠裳秉圭 木星旗青質赤火焰脚畫神
人冠五梁冠青衣皂襴朱裳秉圭 火星旗赤質青火
焰脚畫神人冠五梁冠朱衣皂襴綠裳秉圭 土星旗

黃質赤火焰脚畫神人冠五梁冠黃衣皂襪綠裳束主
攝提旗赤質赤火焰脚畫神人冠五梁冠素中單黃
衣朱蔽膝綠裳仗劍 北斗旗黑質赤火焰脚畫七星
角宿旗青質赤火焰脚畫神人為女子形露髮朱袍
黑襪立雲氣中持蓮荷外仗角亢以下七旗並青質青
火焰脚角宿繪二星下繪蛟 亢宿旗青質赤火焰脚
畫神人冠五梁冠素衣朱袍皂襪帶黃裳持黑等子
外仗繪四星下繪龍 氐宿旗青質赤火焰脚畫神人

冠小冠衣金甲朱衣綠包肚朱擁項白袴左手仗劍乘
一鰲外仗繪四星下繪貉 房宿旗青質赤火焰脚畫
神人烏巾白中單碧袍黑襪朱蔽膝黃帶黃裙朱烏左
手仗劍外仗繪四星下繪兔 心宿旗青質赤火焰脚
畫神人冠五梁冠朱袍皂襪右手持杖外仗繪三星下
繪狐 尾宿旗青質赤火焰脚畫神人冠束髮冠素衣
黃袍朱裳青帶右手仗劍左手持弓外仗繪九星下繪
虎 箕宿旗青質赤火焰脚畫神人烏巾衣淺朱袍皂

襪仗劍乘白馬于火中外仗繪四星下繪豹 斗宿旗
青質赤火焰脚畫神人被髮素腰裙朱帶左右持杖外
仗斗牛以下七旗並黑質黑火焰脚斗宿繪六星下繪
獬 牛宿旗青質赤火焰脚畫神人牛首皂襪黃裳皂
烏外仗繪六星下繪牛 女宿旗青質赤火焰脚畫神
人烏牛首衣朱服皂襪黃帶烏袴左手持蓮外仗繪四
星下繪龜 虛宿旗青質赤火焰脚畫神人被髮裸形
坐于甕中右手持一珠外仗繪二星下繪鼠 危宿旗

青質赤火焰脚畫神人虎首金甲衣朱服貔皮汗袴青
帶烏袴外仗上繪三星下繪燕 室宿旗青質赤火焰
脚畫神人丫髮朱服乘舟水中外仗繪二星下繪猪
壁宿旗青質赤火焰脚繪神人為女子形被髮朱服皂
襪綠帶白裳烏烏外仗繪二星下繪狗 奎宿旗青質
赤火焰脚畫神人狼首朱服金甲綠包肚白汗袴黃帶
烏袴仗劍外仗奎婁以下七旗並素質素火焰脚奎宿
繪十六星下繪狼 婁宿旗青質赤火焰脚繪神人烏

巾素衣皂袍朱蔽膝黃帶綠裳烏鳥左手持烏牛角石
手仗劍外仗繪三星下繪狗 胃宿旗青質赤火焰脚
繪神人被髮裸形披豹皮白腰裙黃帶右手持劍外仗
繪三星下繪雉 昂宿旗青質赤火焰脚繪神人黃牛
首朱服皂襖黃裳朱鳥左手持如意外仗繪七星下繪
雞 畢宿旗青質赤火焰脚繪神人作鬼形朱視持黑
杖乘赤馬行于火中外仗上繪八星下繪烏 觜宿旗
青質赤火焰脚繪神人冠緇布冠朱服皂襖綠裳持一
蓮生于雲氣中外仗繪三星下繪猴 參宿旗青質赤
火焰脚繪神人被髮衣黃袍綠裳朱帶朱鳥左手持珠
外仗上繪十星下繪猿 井宿旗青質赤火焰脚繪神
人烏巾素衣朱袍皂襖坐于雲氣中左手持蓮外仗并
鬼以下七旗並赤質赤火焰脚并宿繪八星下繪犴
鬼宿旗青質赤火焰脚繪神人作女子形被髮素衣朱
袍黃帶黃裳烏鳥右手持杖外仗繪五星下繪羊 柳
宿旗青質赤火焰脚繪神人作女子形露髻朱衣黑襖

黃裳皂鳥撫一青龍外仗繪八星下繪麋 星宿旗青
質赤火焰脚繪神人冠五梁冠淺朱袍皂襖青帶黃裳
烏鳥持黃稱外仗繪七星下繪馬 張宿旗青質赤火
焰脚繪神人衣豹皮朱帶素鞵右手仗劍坐于雲氣中
外仗繪六星下繪鹿 翼宿旗青質赤火焰脚繪神人
冠道冠皂袍黃裳朱蔽膝仗劍履火于雲氣中外仗繪
二十二星下繪蛇 軫宿旗青質赤火焰脚繪神人冠
道冠衣朱袍黃帶黃裳左手持書外仗繪四星下繪蚓
日旗赤質赤火焰脚繪日于上奉以雲氣 月旗青
質赤火焰脚繪月于上奉以雲氣 祥雲旗青質赤火
焰脚繪五色雲氣 合璧旗青質赤火焰脚繪雲氣日
月 連珠旗青質赤火焰脚繪五星 東嶽旗青質赤
火焰脚繪神人冠七梁冠黃襖青袍綠裳白中單素蔽
膝執圭 南嶽旗赤質青火焰脚繪神人冠七梁冠黑
襖緋袍綠裳黃中單朱蔽膝執圭 中嶽旗黃質赤火
焰脚繪神人冠七梁冠皂襖黃袍綠裳白中單朱蔽膝

執圭 西嶽旗白質赤火焰脚繪神人冠七梁冠青襪
白袍緋裳白中單素蔽膝執圭 北嶽旗黑質赤火焰
脚繪神人冠七梁冠紅襪皂袍綠裳白中單素蔽膝執
圭 江瀆旗赤質青火焰脚繪神人冠七梁冠青襪朱
袍跨赤龍 河瀆旗黑質赤火焰脚繪神人冠七梁冠
皂襪黃袍跨青龍 淮瀆旗素質赤火焰脚繪神人冠
七梁冠皂襪素袍乘青鯉 濟瀆旗青質赤火焰脚繪
神人冠七梁冠皂襪青袍乘一鯢 天下太平旗赤質
青火焰脚錯采為字 皇帝萬歲旗赤質青火焰脚錯
采為字 吏兵旗黑質赤火焰脚繪神人具甲兜鍪綠
臂鞬仗劍 力士旗白質赤火焰脚繪神人武士冠緋
袍金甲汗膀皂履執戈盾 東天王旗青質赤火焰脚
繪神人武士冠衣金甲緋襖襠右手執戟左手奉塔履
石 南天王旗赤質青火焰脚繪神人冠服同前 西
天王旗白質赤火焰脚繪神人冠服同前 北天王旗
黑質赤火焰脚繪神人冠服同前 大神旗黃質黃火

焰脚詳見牙門旗下 牙門旗赤質赤火焰脚繪神人
冠武士冠鎧甲襖襠襠肩包肚汗膀束帶長帶大口袴
執戈戟 金鼓旗黃質黃火焰脚書金鼓字 朱雀旗
赤質赤火焰脚繪朱雀其形如鸞 玄武旗黑質黑火
焰脚繪龜蛇 青龍旗青質赤火焰脚繪蹲龍 白虎
旗白質赤火焰脚繪蹲虎 龍君旗青質赤火焰脚繪
神人冠通真冠服青繡衣白裙朱履執戟引青龍 虎
君旗白質赤火焰脚繪神人冠流精冠服素羅繡衣朱
裙朱履執斬蛇劍引白虎 大黃龍負圖旗青質青火
焰脚繡複身黃龍背八卦 小黃龍負圖旗赤質青火
焰脚繪複身黃龍背八卦 五色龍旗五色質五色直
脚無火焰 大四色龍旗青赤黃白四色質俱火焰脚
小四色龍旗制同大四色直脚無火焰 應龍旗赤
質赤火焰脚繪飛龍 金鸞旗赤質青火焰脚繪鸞而
金色 鸞旗制同前而繪以五采 金鳳旗赤質青火
焰脚繪鳳而金色 鳳旗制同前而繪以五采 五色

鳳旗五色質五色直脚無火焰 大四色鳳旗青赤黃
白四色質火焰脚色隨其質繪鳳 小四色鳳旗制同
前直脚無火焰 玉馬旗赤質青火焰脚繪白馬兩膊
有火焰 駃騠旗赤質青火焰脚繪白馬 飛黃旗赤
質赤火焰脚形如馬色黃有兩翼 驪驎旗青質青火
焰脚繪獸形如馬白首虎文赤尾 龍馬旗赤質青火
焰脚繪龍馬 麟旗赤質青火焰脚繪麒麟 飛麟旗
赤質青火焰脚繪飛麟其形五色身朱翼兩角長爪

欽定四庫全書

元史
卷七十九

三

黃虎旗赤質青火焰脚繪獸如虎而色深黃 兕旗赤
質青火焰脚繪獸似牛一角青色 犀牛旗赤質青火
焰脚繪犀牛 金牛旗赤質青火焰脚繪獸形如牛金
色 白狼旗赤質青火焰脚繪白狼 辟邪旗赤質赤
火焰脚繪獸形似鹿長尾二角 赤熊旗赤質赤火焰
脚繪獸如熊色黃 三角獸旗赤質赤火焰脚繪獸其
首類白澤綠髮三角青質白腹跋尾綠色 角端旗赤
質赤火焰脚繪獸如羊而小尾頂有獨角 駟牙旗赤

質青火焰脚繪獸形似麋齒前後一齊 太平旗赤質

青火焰脚繪描蓮花四上金書天下太平字 鷄鵠旗

赤質青火焰脚繪鳥似山雞而小冠背黃腹赤項綠尾

紅 蒼鳥旗赤質青火焰脚繪鳥如鳥而色蒼 白澤

旗赤質赤火焰脚繪獸虎首朱髮而有角龍身 東方

神旗綠質赤火焰脚繪神人金兜牟鎧甲仗劍 已下四
旗所繪

同 西方神旗赤質青火焰脚 中央神旗黃質赤火

焰脚 南方神旗赤質青火焰脚 北方神旗黑質赤

欽定四庫全書

元史
卷七十九

三

火焰脚 凡立仗諸旗各火焰脚三條色與質同長一

丈五尺杠長二丈一尺牙門太平萬歲質長一丈橫闊

五尺日月龍君虎君橫豎並八尺餘旗並豎長八尺橫

闊六尺 車輻朱漆八稜施以銅釘形如柯舒 吾杖

朱漆金飾兩末 鐙杖朱漆棒首標以金塗馬鐙 爰

制如稍而短黑飾兩末中畫雲氣上綴朱絲拂 骨朵

朱漆棒首貫以金塗銅鎚 列絲骨朵制如骨朵加紐

絲丈 臥瓜制形如瓜塗以黃金臥置朱漆棒首立

瓜制形如瓜塗以黃金立置朱漆棒首 長刀長丈有奇闊上窄下單刃 儀刀制以銀飾紫絲帔鍔 橫刀制如儀刀而曲鞘以沙魚皮飾倭革帔鍔 千牛刀制如長刀 劔斑鞘飾以沙魚皮劔口兩刃 斑劔制劔鞘黃質紫斑文金銅裝紫絲帔鍔 刀盾之刀制如長刀而柄短木為之青質有環紫絲帔鍔 刀盾之盾制以木赤質畫異獸執人右刀左盾 朱勝絳盾制同而朱其質 綠勝絳盾制同而綠其質 戟制以木有枝塗以黃金竿以朱漆 小戟飛龍掌制如戟畫雲氣上綴飛掌垂五色帶末有銅鈴掌下方而上兩角微擗繪龍於其上 鉞戟制如戟無飛掌而有橫木 稍制以木黑質畫雲氣上刻刃塗以青五色稍並同而質異 贊制如戟鋒兩旁微起下有鐫銳 义制如戟而短青飾兩末中白畫雲氣上綴紅絲拂 斧雙刃斧貫于朱漆竿首 鉞金塗鐵鉞單刃腦後繫朱拂朱漆竿 劈正斧制以玉單刀金塗柄銀鐫 儀鎗斧制如斧刻木

為之柄以朱上綴小錦幡五色帶 弓矢 弩制如弓而有臂 眼制以虎豹皮或暴綠文金銅裝 鞞制以黑革 蘭弩矢室 象鞞鞞五采裝明金木蓮花座緋繡鞞鞞條紫繡襜褕紅錦屈鉤石蓮花跋塵錦緣檀盤紅鞞牛尾纓拂并胸鞞鞞上各帶紅鞞牛尾纓拂鉤石胡桃鉞子杏葉鉞具緋皮纓頭鉞具蓮花座上金塗銀香爐一元初既定占城交趾真臘歲貢象育于析津坊海子之陽行幸則蕃官騎引以導大駕以駕巨輦 駝鼓設金裝鉞具花屬鞍褥橐篋前峰樹皂纛或施采旗後峰樹小旗絡腦當胸後鞞並以毛組為轡勒五色瓊玉毛結纓絡周綴銅鐸小鏡上施一面有底銅擗小鼓一人乘之繫以毛繩凡行幸先鳴鼓于駝以威振遠邇亦以試橋梁伏水而次象焉 騾鼓制似駝而小馬鼓轡勒後勒當胸皆綴紅纓拂銅鈴杏葉鉞具金塗鉞上插雉毛上負四足小架上施以華鼓一面一人前引凡行幸負鼓于馬以先馳與纛並行 誕馬纓轡緋

涼鐵 御馬鞍轡纓複全 珂馬銅面堆尾鼻拂胸上
綴銅杏葉紅絲拂又胸前腹下皆有攀綴銅鈴後有跋
塵錦包尾

崇天鹵簿

中道 頓遞隊象六飾以金裝蓮座香爐寶鞍韉鞅轡
鬪勒犛牛尾拂跋塵鉸具導者六人馭者南越軍六人
皆弓花角唐帽緋純銷金袂衫鍍金束帶烏鞞橫列前
行次駝鼓九飾以鍍金鉸具轡飾鬪籠旗鼓纓槍馭者

欽定四庫全書

元史
卷七十九

十六

九人服同馭象者中道相次而行次舍人二人四品服
騎分左右夾駝而行次青衣四人武弁青純衫青勒帛
青鞞執青杖次清道官四人本品服騎次信幡二執者
二人引護者四人武弁黃純生色寶相花袍黃勒帛黃
鞞次騾鼓六飾騾以鍍金鉸具轡鬪籠旗鼓纓槍馭者
六人服同馭駝者次告止幡二執者二人引護者四人
武弁緋純生色寶相花袍紅勒帛紅鞞次傳教幡二執
者二人引護者四人武弁黃純生色寶相花袍黃勒帛

黃鞞並分左右次橋道頓遞使一人本品服騎中道舍
人清道官橋道頓遞使從者凡七人錦帽紫袂衫小銀
束帶行膝鞋襪後凡從者之服皆同此 纛稍隊金吾將軍二人

交角幘頭緋羅繡抹額紫羅繡辟邪柄襠紅錦襯袍錦
螭蛇金帶烏鞞橫刀佩符騎分左右次弩而騎者五人
錦帽青純生色寶相花袍銅帶絲雲鞞次稍而騎者五
人錦帽緋純生色寶相花袍銅帶朱雲鞞次纛一執者
一人夾者四人護者二人皆錦帽紫生色寶相花袍鍍

欽定四庫全書

元史
卷七十九

十七

金帶紫雲鞞押纛官二人皆騎本品服次馬鼓四飾如
騾鼓馭者四人服同御騾次佩弓矢而騎者五人服同
執弩者押衙四人騎而佩劍錦帽紫純生色寶相花袍
鍍金帶雲頭鞞獬狷者四人騎錦帽緋純生色寶相花
袍銅帶朱鞞控馬八人錦帽紫衫銀帶烏鞞次稍而騎
者五人服佩同執弩者金吾將軍押纛官從者四人服
同前隊 朱雀隊舍人一人四品服騎而前次朱雀旗
一執者一人引護者四人錦帽緋純生色鳳花袍銅帶

朱雲鞞皆佩劍而騎護者加弓矢次金吾折衝一人交角幟頭緋純繡抹額紫羅繡辟邪衲襠紅錦襯袍金帶錦膝蛇烏鞞橫刀佩弓矢而騎帥甲騎凡二十有五弩五人次弓五人次稍五人次弓五人次稍五人皆冠甲騎冠朱畫甲青勒甲條鍍金環白繡汗胯束帶紅鞞帶弓箭器仗馬皆朱甲具裝珂飾全舍人金吾折衝從者凡二人服同前隊 十二旗隊舍人一人四品服騎而前金吾果毅二人交角幟頭緋羅繡抹額紫羅繡辟邪

衲襠紅錦襯袍金帶錦膝蛇烏鞞橫刀佩弓矢騎分左右帥引旗騎士五皆錦帽黃生色寶相花袍銀帶烏鞞次風伯旗左雨師旗右雷公旗左電母旗右執者四人騎青甲騎冠綠甲青勒甲條鍍金環白繡汗胯束帶青雲鞞馬皆青甲珂飾次五星旗五執者五人甲騎冠五色畫甲青勒甲條鍍金環白繡汗胯束帶五色鞞馬甲如其甲之色珂飾次北斗旗一執者一人甲騎冠紫畫甲青勒甲條鍍金環白繡汗胯束帶紫雲鞞冠甲隨其

甲之色珂飾左右攝提旗二執者二人甲騎冠朱畫甲青勒甲條鍍金環白繡汗胯束帶紅雲鞞馬朱甲珂飾執副竿者二人騎錦帽黃生色寶相花袍銀帶烏鞞執稍而護者五人騎服同執副竿者舍人金吾果毅從者凡三人服同前隊 門旗隊舍人二人四品服監門將軍二人皆交角幟頭緋純繡抹額紫羅繡獅子衲襠紅錦襯袍金帶烏鞞橫刀佩弓矢騎馬甲珂飾全次門旗二執者二人錦帽緋純生色獅子文袍銅革帶紅雲鞞

劍而騎引護者四人服佩同執人而加弓矢騎次監門校尉二人騎服佩同監門將軍分左右行次鸞旗一執者一人引護者四人錦帽五色純生色瑞鸞花袍束帶五色雲鞞佩劍護人加弓矢皆騎舍人監門將軍監門校尉從者凡六人服同前隊 雲和樂雲和署令二人朝服騎分左右引前行凡十有六人戲竹二排簫四簫管二龍笛二板二歌工四皆展角花幟頭紫純生色雲花袍鍍金帶紫鞞次琵琶二十箏十有六笙篴十有六

纂十有六方響八頭管二十有八龍笛二十有八已上
工百三十有二人皆花幘頭緋絕生色雲花袍鍍金帶
朱鞞次杖鼓三十工人花幘頭黃生色花襖紅生色花
袍錦臂鞢鍍金帶烏鞞次板八工人服色同琵琶工人
次大鼓二工十人服色同杖鼓工人雲和署令從者二
人服同前隊 殿中黃麾隊舍人二人四品服殿中侍
御史二人本品服皆騎次黃麾一執者一人夾者二人
騎武弁緋絕生色寶相花袍紅勒帛紅雲鞞舍人殿中
侍御史從者凡四人服同前隊 太史鉦鼓隊太史一
人本品服騎引交龍摑鼓左金鉦右昇四人工二人皆
武弁緋絕生色寶相花袍紅勒帛紅鞞次司辰郎一人
左典事一人右並四品服騎太史司辰郎典事從者三
人服同前隊 武衛鉦戟隊武衛將軍一人交角幘頭
緋羅繡抹額紫羅繡瑞鷹兩襠紅錦襯袍錦螭蛇金帶
橫刀騎領五色繡幡一金節八罕右罕左朱雀青龍白
虎幢三橫布導蓋一中道又四武衛果毅二人服佩同

武衛將軍鉦二十戟二十徒五十有九人武弁緋絕生
色寶相花袍紅勒帛紅鞞武衛將軍武衛果毅從者凡
三人服同前隊 龍墀旗隊舍人二人四品服中郎將
二人服佩同鉦戟隊武衛將軍騎分左右帥騎士凡二
十有四人執旗者八人天下太平旗中道中獄帝旗左
中央神旗右次日旗左月旗右次祥雲旗二分左右次
皇帝萬歲旗中道執人皆黃絕中黃絕生色寶相花袍
黃勒帛黃雲鞞橫刀引者八人青絕中青絕生色寶相
花袍青勒帛青雲鞞橫刀執弓矢護者八人緋絕中緋
絕生色寶相花袍紅勒帛紅雲鞞橫刀執弓矢舍人中
郎將從者凡四人服同前隊 御馬隊舍人二人四品
服引左右衛將軍二人緋羅繡抹額紫羅繡瑞馬兩襠
紅錦襯袍錦螭蛇金帶烏鞞橫刀皆騎分左右行御馬
十有二匹分左右飾以纓鞍轡複馭士控鶴二十有四
人交角金花幘頭紅錦控鶴襖銅束帶鞞鞋次尚承奉
御二人四品服騎分左右行舍人左右衛將軍從者四

人服同前隊 拱衛控鶴第一隊拱衛指揮使二人本品服騎分左右帥步士凡二百五十有二人負劍者三十人次執吾杖者五十人次執斧者五十人次執鐙杖者六十人次執列絲骨朵者三十人皆分左右次攜金水瓶者一人左金盆者一人右次執列絲骨朵者三十人皆分左右皆金縷額交角幘頭青濟遜控鶴襖塗金荔枝束帶鞵鞋拱衛指揮使從者二人服同前隊 安和樂安和署令二人本品服騎分左右行領押職二人

弓角鳳翅金花幘頭紅濟遜加欄袍金束帶花鞵次扎鼓八為二重次和鼓一中道次板二次龍笛四次頭管二次羌笛二次笙二次簫二左右行次雲璈一中道工二十有四人皆弓角鳳翅金花幘頭紅錦濟遜襖金荔枝束帶花鞵從者二人服同前隊 金吾授寶隊舍人二人四品服引金吾將軍二人交角幘頭緋羅繡抹額紫羅繡辟邪襖襠紅錦襖袍錦腰蛇橫刀佩弓矢皆騎分左右前引駕十二重甲士一十二騎弩四次弓四次

稍四為三重次香案二金爐合各二分左右昇士十有六人侍香二人騎而從次典瑞使二人本品服騎而左右引八寶受命寶左傳國寶右次天子之寶左皇帝之寶右次天子行寶左皇帝行寶右次天子信寶左皇帝信寶右每輿寶蓋銷金蒙複襯複案輿紅銷金衣龍頭竿結綬昇士八人束團扇四人凡九十有六人皆交角金花幘頭青紅錦濟遜襖每輿前青後紅金束帶鞵鞋授寶三十人交角金花幘頭窄紫衫銷金紅汗膝金束

帶烏鞋執金縷黑杖次符寶郎二人四品服騎分左右次金吾果毅二人服佩同金吾將軍騎分左右次稍四人次弓四人次弩四人為三重舍人金吾將軍侍香典瑞使符寶郎金吾果毅從者凡十有二人服同前隊殿中繖扇隊舍人二人四品服騎分左右領騎而執旗者四人日月合璧旗左五星連珠旗右次金龍旗左金鳳旗右黃純巾黃純生色寶相花袍黃勒帛黃鞵佩劍騎而引旗者四人青純巾青純生色寶相花袍青勒帛

青鞞佩劍執弓矢騎而護旗者四人紅絕巾紅絕生色
寶相花袍紅勒帛紅鞞佩劍執弓矢次朱團扇十有六
次小雉扇八次中雉扇八次大雉扇八為十重重四人
次曲蓋二紅方纈二次紫方纈二次華蓋二次大纈二
執者五十人武弁紅絕生色寶相花袍紅勒帛紅鞞舍
人從者二人服同前隊 控鶴園子隊園子頭一人執
骨朶由中道交角幙頭緋錦濟遜襖鍍金荔枝帶鞞鞋
領執園子十有六人分左右交角金花幙頭白襯肩青

錦濟遜襖鍍金荔枝帶鞞鞋次朱纈中道次金脚踏左
金椅右服如園子頭拱衛指揮使一人本品服騎中道
控鶴二十人服同上拱衛指揮使從者二人服同前隊
天樂一部天樂署令二人本品服騎分左右領押職
二人弓角鳳翅金花幙頭紅錦濟遜襖加欄金束帶花
鞞次琵琶二篋篋二和必斯二板二箏二胡琴二笙二
頭管二龍笛一響鐵一工十有八人徒二人皆弓角鳳
翅金花幙頭紅錦濟遜襖鍍金束帶花鞞 控鶴第二

隊僉拱衛司事二人本品服騎分左右帥步士凡七十
有四人執立瓜者三十有六人分左右次捧金杙一人
左鞭桶一人右次蒙鞍一人左散手一人右次執立瓜
者三十有四人分左右皆交角金花幙頭緋錦濟遜襖
鍍金荔枝帶鞞鞋僉拱衛司事從者二人服同前隊
殿中導從隊舍人二人四品服騎左右引香燈案一黃
銷金盤龍衣金爐合結綬龍頭竿昇者十有二人交角
金花幙頭紅錦濟遜控鶴襖鍍金束帶鞞鞋侍香二人

騎分左右次警蹕三人交角幙頭紫窄袖衫鍍金束帶
烏鞞次舍人二人四品服騎引天武官二人執金鉞金
鳳翅兜牟金鎖甲青勒甲條金環繡汗胯金束帶馬珂
飾次金骨朶二次幢二次節二分左右次金水盆左金
椅右次蒙複左副執椅右次金水瓶鹿盧左銷金淨巾
右次金香毬二金香合二分左右次金唾壺左金唾盂
右金拂四扇十分左右次黃纈中道纈衣從凡騎士三
十人服如警蹕如白繡汗胯步卒四人

執椅二人蒙複
一人纈衣一人